



Volumen Epistolarum, Qvas Romani Pontifices, Gregorijs III., Stephanvs III., Zacharias I., Pavlvvs I., Stephanvs IV., Adrianvs et Pseudopapa Constantinus miserunt & reges Francorvm, Carolvm Martellvm, ...

Gretser, Jacob

[München], 1613

Item exemplar eiusdem Papæ ad Domnum Carolum Regem directæ, in qua continetur de Venecijs vt Rauenna seu Pentapoli expellerentur, nec non & de Garamanno Duce, qui possessiones Rauennatis Ecclesiæ ...

[urn:nbn:de:hbz:466:1-65166](https://nbn-resolving.org/urn:nbn:de:hbz:466:1-65166)

Meminiſſe enim credimus veſtram regalem excellentiam, qualiter in aula fautoris veſtri, B. Petri Apoſtoli, præſatum Conſtantinum atque Romanum nobis commendare dignati eſtis, confirmantes procul dubio, vt noſtri veſtriq; eſſent fideles, quos nempè ſubditos cum omni humilitate fideliter ſervientes vobis nobiſq; reperimus, nunquam in ſua vacillantes fide; ſed proni in veſtro noſtroque ſervitio & amore ſemper manentes, qui dum in omnibus eis veſtras regales accommodaveritis aures; & ipſum præſatum Paulum, glorioſum Ducem, regali tuitione circumvallatum amplectemini, fructū boni operis per eum ſuſcipientes bonitatis effectum ante B. Petri principis Apoſtolorum corpus, diuinam pro vobis, atq; ſpiritali filia noſtra, excellentiſſima Domna Regina, veſtraque nobiliſſima prole, exorare valeamus clementiam, vt longiori æuo, in hoc mundo regni gubernaculo fruentes, in vitam æternam cum ſanctis omnibus ſine fine regnare mereamini. Incolumem excellentiam veſtram gratia ſuperna cuſtodiat.

Item exemplar eiusdem Papa ad Dominum Carolum Regem directæ, in qua continetur de Veneciis vt de Rauenna ſeu Pentapoli expellerentur, nec non & de Garamanno Duce, qui poſſeſſiones Rauennatis Eccleſiæ violenter inuaſiſſet vel exſpoliaſſet.

LXXXIV.

*Summ. f.
Bar. &
Cent.*



OMNO excellentiſſimo filio noſtroque ſpiritali compatri Carolo, Regi Francorum, & Langobardorum, atq; Patricio Romanorum, Adrianus Papa. Ad aures clementiſſimæ regalis excellentiſſimæ

cellentiæ vestræ intimantes innotescimus, quia dum vestra regalis in triumphis victoria præcipiendum emisit, vt à partibus Rauennæ seu Pentapoleos expellerentur Venetici ad negotiandum, nos ilico in partibus illis emisimus, vestram adimplentes regalem voluntatem, insuper & ad Archiëpiscopum præceptum direximus, vt in quolibet territorio nostro, & iure sanctæ Rauennatis Ecclesiæ, ipsi Venetici præsidia atque possessiones haberent, omnino eos exinde expelleret & sic Ecclesiæ suæ iura manibus suis teneret.

Quid autem contigit de Garamanno duce, qui subito irruit super prædia & possessiones sanctæ Rauennatis Ecclesiæ in nostris territoriis sitas, & non solum eas occupauit, sed & omnes fruges à prædicta abstulit Ecclesiæ, & de aliis piis locis? Nos quidem statim eum adhortari studuimus, vt si fidelis vester existeret, ipsas possessiones piorum locorum reddere prorsus non omitteret, quia & iuris Ecclesiæ Rauennatum siue talium locorum piorum esse videntur & in nostris territoriis sitæ sint. Ille vero nullo modo recordatus est, neque ipsas possessiones reddere voluit, sed illicitè, eas detinere conatur. Quapropter poscentes, vestram in triumphis regalem potentiam, quæsumus, vt pro amore fautoris vestri, B. Petri, Apostolorum principis, nostraq; paterna dilectione talia illi agere non sinatis, sed per vestram clementissimam regalem præceptionem, eum exinde expellere omnino dignemini, vt & nostra territoria per vestram regalem tuitionem intacta permaneant, & quæcunque infra ipsa territoria esse noscuntur, irrefragabiliter eorundem locorum possessione & iure fruamur, quemadmodum vestra in triumphis victoria, vna cum Domna

n

Regi-

Regina, vestraq; nobilissima prole hic & in futuro sine fine regnare mereamini. Incolumem excellentiam vestram gratia superna custodiat.

*Item exemplar Epistola eiusdem Papa, ad
Domnum Carolum Regem, in qua continetur de Parochiis
Episcoporum & de eorum sacratione, & de ho-
nore Patriciatu Domini Regis &
alia capitula.*

LXXXV.

*Summ. 4.
Bar. &
Cent.*



OMNINO excellentissimo filio, nostro q; spiritali Compatri Carolo, Regi Francorum & Langobardorum, atque Patricio Romanorum. Adrianus Papa. Quanto amoris annisu pro vestro à Deo promotò & ampliato regno feruescimus, tantum in eius præfulgida regali dulcedine & firma stabilitatis constantia permanemus, quanta enim iocunditatis læticia erga vestram triumphis regalem potentiam cor nostrum exultat, si sermonibus promere voluerimus, nulla, vt opinor, scripturæ propagata sufficere valebit series, neque vllus sermo explicare potest, qualiter de vestris immensis victoriis atque sospitate, crebrò præstolantes nuntios, die noctuque penitus diuinam pro vestra regali præcellentia exoramus clementiam, quatenus regales nectareosque vestros, per fidelissimos Missos, suscipientes affatus, scilicet reuerendissimum & sanctissimum Berneradum Episcopum, nec non Radonem, dilectissimum Protonotarium vestrum, atque Abbatem; reperimus * in eos vestris præcelsis memoriis, pariterque filia: nostræ domina: Regina: , vestraque nobilissimi prole, simulque
omni

* Ita quidem apographum; sed omnia videntur mendosa;